

## Սիրելի հայրենակիցներ,

Վստահ եմ թէ բոլորդ անհամբերութեամբ կը սպասէիք «Լրատու»ի 3-րդ թիւի հրատարակութեան, տեղեկանալու համար վերջին երեք ամիսներու իրադարձութիւններուն:

Այս տարուայ առաջին եռամսեան եղաւ իւրայատուկ ու արդիւնաւետ, այն իմաստով որ արձանագրուեցան կարեւոր յաջողութիւններ Կիպրահայ Զամայնքը յուզող կարգ մը հարցերու գծով, ինչպէս նաեւ նախապատրաստական քայլեր առնուեցան հիմնական ու երկարաշունչ ծրագիրներու առնչութեամբ:

Փոքրամասնութիւններու պարտադիր զինուորական ծառայութեան տարիք ունեցողներու հարցը անակնկալ կերպով սեղանի վրայ դրուեցաւ անցնող Յունուար ամսուան սկիզբը: Որպէս Զայ Զամայնքի Պետական Ներկայացուցիչ, խորհրդակցելէ ետք խորհրդատու Մարմնի անդամներուն հետ, մանաւանդ գաղութին ապագայի շահերը չվտանգելու մտահոգութեամբ, միաձայնութեամբ որոշուեցաւ դրական կեցուածք ցուցաբերել այս նուրբ ու զգայուն հարցին նկատմամբ, միեւնոյն ատեն մատնանշելով որոշ մանրամասնութիւններ, որոնք պետք է անպայմանօրէն հարթուին այս հարցը իրականանալու պարագային:

Ինչպէս արդէն տեղեակ էք մամուլէն եւ պատկերասփիւռի կայաններէն, Մելգոնեան Կրթական Զաստատութեան կալուածին մեծ մասը, 2 Մարտ 2007-էն, դարձեալ պաշտօնապէս առնուեցաւ Կիպրոսի Կառավարութեան պահպանութեան տակ: Այժմ աշխատանք կը տարուի Մելգոնեան Կրթական Զաստատութեան մատենադարանի գիրքերը եւ մամուլի հաւաքածոները փրկելու առնչութեամբ: Այս մասին մանրամասնութեամբ անդրադարձած

ենք «Լրատու»ի յաջորդող էջերուն մէջ:

Անշուշտ այս բոլորին կողքին շարունակեցի ունենալ զանազան հանդիպումներ, պատկան նախարարներու եւ մարմիններու հետ, ինչպէս նաեւ, պաշտօնապէս հրաւիրուելով, ներկայ գտնուեցայ Կիպրոսի մէջ գործող կուսակցութիւններու գերագոյն ժողովներուն, սերտացնելու համար Հայ Համայնքի կապերը: Տեսակցութիւններ ունեցայ զանազան դեսպաններու եւ դեսպանատուներու քաղաքական եւ մամլոյ անձնակազմի պատասխանատուներուն հետ, որոնք, անձամբ հեռաձայնելով, ներկայացան գրասենեակս, մօտէն ծանօթանալու համար Կիպրահայ գաղութի պատմութեան եւ ներկայ իրավիճակին:

Ինչ կը վերաբերի Կիպրոսի մէջ աշխատանքային արտօնագիրով բնակութիւն հաստատողներուն, ապա, ըստ նոր օրէնքի, եթէ անոնք մինչեւ 23 Յունուար 2006 թուականը ամբողջացուցած են օրինաւոր եւ իրերայաջորդ կեցութեան հինգ տարին եւ կրցած են ապահովել գալիք 18 ամիսներու գործի համաձայնագիր, կրնան դիմել մնայուն կեցութեան եւ աշխատանքի արտօնագիր ստանալու համար: Անշուշտ կան նաեւ այլ մանրամասնութիւններ, որոնք պետք է եւս ամբողջացուցած ըլլան:

Թերեւս ալ անելորդ չէ յիշել թէ անցնող ամիսներուն եւս Գրասենեակի աշխատանքները կը շարունակուին հեզասահ կերպով, եւ մեր հաւաքական օժանդակութիւնը անխտիր կերպով ի սպաս կը դրուի բոլորին տրամադրութեան տակ:

Ս. Չատկուան առիթով ընդունեցէք իմ սրտագին բարեմաղթութիւնները:

Քրիստոս յարեաւ ի մեռելոց, օրինեալ է Յարութիւնն Քրիստոսի:

**Վարդգէս Մահտեսեան**

**Կիպրահայ Համայնքի Պետական Ներկայացուցիչ**

## ԵՌԱՄՍԵԱՅ ԳՈՐԾՈՒՆԵՈՒԹԻՒՆ

### Աշխատանքային

Աշխատանք ունենալու խնդրանքով ներկայացած երիտասարդ մը եւ տիկին մը, Պրն. Մահտեսեանի յանձնարարութեամբ, տարբեր պաշտօններ ստանձնեցին անուանի հաստատութիւններու մէջ:

### Քաղաքացիական հարցեր եւ կեցութիւն

Քաղաքացիութեան համար դիմում կատարած չորս անձեր, վերջին երեք ամիսներու ընթացքին, Պրն. Մահտեսեանի միջամտութեամբ, յաջորդաբար ստացան Կիպրական հպատակութիւն: Պետք է նշել որ վերոյիշեալ դիմորդները կ'ամբողջացնէին բոլոր պայմանները:

Սուրիահպատակ հայ մը, որ երկար տարիներ աշխատանքային օրինաւոր արտօսութեամբ Կիպրոս կը բնակէր, վերջին տարուայ արտօսագիրը ապահովուած չըլլալուն բերումով բանտարկուած էր Երեքշաբթի, 13 Փետրուար 2007-ին:

Պրն. Մահտեսեանի անմիջական միջամտութեամբ եւ Ներքին Գործոց Նախարար Պրն. Նեղլիս Սիլիքիոտիսի աջակցութեամբ, ան երրորդ օրը ազատ արձակուեցաւ եւ յառաջիկայ մէկ տարուայ համար աշխատանքային արտօսագիր ստացաւ:

Քաղաքական հարցերու պատասխանատուի Օտարահպատակներու եւ Ներգաղթի Բաժանմունքի գրասենեակներ եւ ոստիկանատուներ կատարած ամենօրեայ այցելութիւններու շնորհիւ, կարելի եղաւ ապահովել կեցութեան արտօսագրեր, իսկ Քաղաքական Ապաստանեալի կարգավիճակ ունեցող բազմաթիւ հայրենակիցներուն համար՝ հիւանդանոցային գրքոյկներ:

### Կրթանպաստ

Americanos College-ն 75% Կրթանպաստ ստացան Մելգոնեան Կրթական Հաստատությունն շրջանաւարտ երկու աշակերտներ, Պրն. Մահտեսեանի բարեխօսութեամբ:

### Մելգոնեան Կրթական Հաստատութիւն

Կիպրոսի Հանրապետութեան Ներքին գործոց Նախարար Պրն. Նեղլիս Սիլիբիոտիսի 2 Մարտ 2007-ին հրապարակած հրամանագիրով վերահաստատուեցաւ Մելգոնեան Կրթական Հաստատութեան հողատարածքին պահպանումը կառավարութեան կողմէ: Այս հրամանագիրը օրինաւոր կերպով հրատարակուեցաւ Կիպրոսի Հանրապետութեան պաշտօնաթերթին մէջ, Բաժին III(i), թիւ 4178 յօդուածին տակ, որպէս պատմա-մշակութային արժէք ներկայացնող կառոյց:

Ինչպէս ծանօթ է բոլորիդ, Հայկական Բարեգործական Ընդհանուր Միութեան Միացեալ Նահանգներու Կեդրոնական Վարչութեան տարած աշխատանքներուն շնորհիւ, անցեալ տարուան Դեկտեմբեր ամսուն Մելգոնեան Կրթական Հաստատութեան զոյգ դատերու վճիռներու արձակումը ի վնաս Հաստատութեան էր:

Կիրակի, 14 Յունուար 2007-ին, Մելգոնեան Եղբայրներու հոգեհանգստեան արարողութենէն ետք, տեղի ունեցաւ հաւաք մը, Առաջնորդարանի «Իւթիւճեան» սրահին մէջ, կազմակերպութեամբ Մելգոնեան Կրթական Հաստատութեան Կիպրոսի Սանուց Միութեան:

Հաւաքէն երկու շաբաթ ետք, տեղի ունեցաւ հանդիպում մը եւս, Ազգային Առաջնորդարանի Դահլիճին մէջ, մասնակցութեամբ գաղութի կուսակցութիւններու, ակումբներու եւ միութիւններու ներկայացուցիչներուն: Այս հանդիպումը կը հովանաւորէին Կիպրահայ Գաղութի Պետական Ներկայացուցիչ Պրն. Վարդէս Մահտեսեան

եւ Կաթողիկոսական Փոխանորդ Արք. Վարուժան Զերկելեան:

Ժողովը մանրամասնութեամբ քննելէ ետք հարցին բոլոր ծալքերը, յանգեցաւ այն եզրակացութեան որ կարելի չէ ձեռնաձալ մնալ եւ ընդունիլ Գերագոյն Ատեանին վճիռը եւ փոխանակ խաղաղ ցոյցով Ներկայանալու հանրութեան, որոշուեցաւ ազդեցիկ նամակներ յղել Կիպրոսի Ընդհանուր Դատախազ Պրն. Պետրոս Զլիբիտիսին, Ներքին Գործոց Նախարար Պրն. Նեքըլիս Սիլիբիտիսին եւ Կիպրոսի Կուսակցապետերուն, ստորագրութեամբ Զայ Զամայնքի Պետական Ներկայացուցիչին եւ Կաթողիկոսական Փոխանորդին: Այս նամակներուն կցուեցաւ բոլոր հայապատկան կուսակցութիւններուն եւ կազմակերպութիւններուն ցանկը:

Արդիւնքը եղաւ արդիւնաւետ, անգամ մը եւս փաստուեցաւ թէ Կիպրահայ Զամայնքի միացեալ ու աննկուն կամքը կարելի չէ անտեսել:

Պետական Ներկայացուցիչը հեռաձայնով եւ պաշտօնական նամակով մը իր ու Զայ Զամայնքին խորհին շնորհակալութիւնները յայտնեց Պրն. Նեքըլիս Սիլիբիտիսին, մեծապէս գնահատելով անոր տարած հայանպաստ ջանքերը: Տեղական մամուլը, հեռատեսիլի կայաններն ու ռատիոկայանները լայնօրէն անդրադարձան այս պատմական եղելութեան: Պրն. Մահտեսեան, զանազան հարցազրոյցներու ընթացքին, իր եւ Կիպրահայ Զամայնքի երախտագիտութիւնը յայտնեց Կիպրոսի Կառավարութեան, որ անընկճելի հաստատակամութիւն ցուցաբերելով, իր պաշտպանութեան տակ առած էր Կիպրահայութեան եւ համայն Զայութեան համար պատմական արժէք Ներկայացնող Զաստատութիւնն ու անոր շրջակայքը:

Աւելորդ կը նկատենք անդրադառնալ Կիպրոսի եւ արտասահմանի մէջ գործող միութիւններու եւ ապրող հայ անհատներու բազմաթիւ հեռաձայններուն եւ շնորհաւո-

րագիրներուն, սակայն «Լրատու»ի միջոցաւ կ'ուզենք փոխանցել մեր շնորհակալութիւնները, անգամ մը եւս վերահաստատելով թէ Մելգոնեան Կրթական Զաստատութեան արժէքը անսակարկելի իրականութիւն է սփիւռքահայ կեանքէն ներս, եւ եթէ պետք ըլլայ դարձեալ մեր ճիգերը ի գործ պիտի դնենք յանուն անոր պահպանութեան:

### **Պարտադիր զինուորական ծառայութիւն**

Երեքշաբթի, 9 Յունուար 2007-ին Կիպրահայ Զամայնքի Պետական Ներկայացուցիչը, Մարոնիթ եւ Լատին համայնքներու ներկայացուցիչներուն հետ, հրաւիրուեցաւ հանդիպում մը ունենալու Պաշտպանութեան Նախարարութեան Ընդհանուր Տնօրէնին հետ: Զանդիպման ընթացքին փոխանցուած է թէ, ըստ Եւրոպական Միութեան օրէնքներուն, փոքրամասնութիւնները պիտի վայելէն հաւասար իրաւունքներ, հետեւաբար, զինուորական պարտադիր ծառայութիւնը անհրաժեշտ է հաւասար իրաւունքներ ունեցող քաղաքացիներու համար:

Զանդիպումի ընթացքին Պրն. Մահտեսեան դրական կեցուածք ցուցաբերած է վերոյիշեալ հարցին առնչութեամբ: Խորհրդատու Մարմնի կարծիքը առնելէ ետք, պատշաճ նկատուեցաւ նոյն կեցուածքը որդեգրել եւ Զայ Զամայնքի մտահոգութիւնները պարունակող պաշտօնական նամակ մը յղել Զանրապետութեան Նախագահ Պրն. Տասոս Փափատոբուլոսին:

Այս հարցին առնչութեամբ, Յունուար 24-ին, Պետական Ներկայացուցիչը ելոյթ մը ունեցաւ Կիպրոսի Ռատիոկայանի 3-րդ ալիքէն, որուն յաջորդեցին Զանրապետութեան յունական եւ օտարալեզու թերթերուն տրուած շահեկան հարցազրոյցները:

### **Յանձնախումբեր**

Երեսփոխանական Գրասենեակի կողմէ կազմուած յանձնախումբերը պարբերաբար իրենց հանդիպումները եւ ժողովները կ'ունենան, ըլլան անոնք գրասենակէն ներս կամ դուրս:

Խորհրդատու Մարմինը հանդիպում ունեցաւ, օրակարգի վրայ ունենալով պարտադիր զինուորական ծառայութեան եւ Մելգոնեան Կրթական Հաստատութեան հարցերը: Մշակութային յանձնախումբի անդամները գրասենեակէն դուրս երկու առիթներով հանդիպեցան Մշակութային Կեդրոնի մը յարմար վայրի մը ընտրութեան համար, իսկ Երիտասարդական յանձնախումբը ժողովի հրաւիրուեցաւ մշակելու համար ապագայ ծրագիրներ:

Կազմուեցաւ նաեւ Բարեսիրական Օժանդակութեան յանձնախումբ մը, որ իր անդրանիկ նիստը գումարեց Ուրբաթ, 9 Փետրուար 2007-ին, որուն յաջորդեցին երկու այլ մանրամասնութիւններ քննող ժողովներ:

### **«Գալայճեան» Հանգստեան Տուն այցելութիւն**

Կիրակի, 31 Դեկտեմբեր 2006-ին, Տեր եւ Տիկ. Վարդգէս Մահտեսեան, ընկերակցութեամբ Թեմիս Կաթողիկոսական Փոխանորդ Արք. Վարուժան Հերկելեանի, այցելեցին «Գալայճեան» Հանգստեան Տուն եւ, Ամանորեայ անհատական նուէրներով, պատուեցին մեր տարեց հայրերն ու մայրերը, շնորհաւորեցին անոնց Նոր Տարին եւ Ս. Ծնունդը, սրտաբուխ բարեմաղթանքներով:

### **Շնորհաւորական գիրեր**

Հինգշաբթի, 1 Փետրուար 2007-ին, Պրն. Վարդգէս Մահտեսեան շնորհաւորական գիրեր յղելով Տիկ. Սոնա Կարկալոյեանին եւ Պրն. Հայկ Իւթիւճեանին, իր երախտագիտութիւնը յայտնեց բարձրորակ կատարողականու-

թիւն ունեցող զոյգ արուեստագետներուն, մաղթելով տոնանոր յաջողութիւններ արուեստի ասպարեզին մէջ:

Չորեքշաբթի, 21 Փետրուար 2007-ին, Պետական Ներկայացուցիչը շնորհաւորական նամակ մը յղեց Պրն. Աքիս Զլեանթուսին, Կրթական եւ Մշակոյթի Նախարար նշանակուելու առիթով, ուր, զօրակցութիւն յայտնելու կողքին, մասնաւորաբար ընդգծուած էր Կիպրոսի Կրթական եւ Մշակութային վերելքի աշխատանքներով Պետական Ներկայացուցիչի անմիջական հետաքրքրուած ըլլալու իրողութիւնը:

### **Ցաւակցագիրներ**

Ուրբաթ, 19 Յունուար 2007-ին, ցաւակցագիրներ յղուեցան Պոլսոյ Պատրիարք Նորին Ամենապատուութիւն Տ. Մեսրոպ Արք. Մութաֆեանին, «Ակօս» շաբաթաթերթի խմբագրութեան եւ աշխատակազմին, դատապարտելով Զրանդ Տինքի հանդէպ գործուած անարգ ոճիրը, ընդգծելով թէ ան իր գրիչով պայքարեցաւ ու իր կեանքին գնով ապացուցեց թէ կարելի չէ լռեցնել ճշմարտութեան ձայնը:

Երկուշաբթի, 26 Մարտ 2007-ին Պրն. Մահտեսեան ցաւակցագիր մը յղեց Զայաստանի Զանրապետութեան Նախագահ Նորին Վսեմութիւն Տիար Ռոպերթ Զոչարեանին, Զայաստանի Զանրապետութեան Վարչապետ Անդրանիկ Մարգարեանի վաղաժամ մահուան տխուր առիթով:

### **Առաջուած նամակներ**

Զինգշաբթի, 4 Յունուար 2007-ին, Նոր Տարին եւ Ս. Ծնունդը շնորհաւորող նամակներ առաքուեցան Զայաստանի Արտաքին Գործոց Նախարար Պրն. Վարդան Օսկանեանին, Զայաստանի Զանրապետութեան Յունաստանի եւ Կիպրոսի Լիազօր Դեսպան Պրն. Վահրամ Կաժոյեանին եւ Զայաստանի Զանրապետութեան Նախագահի Արարողակարգի անձնակազմին:



Հինգշաբթի, 25 Յունուար 2007-ին, պաշտօնական նամակ մը առաքուեցաւ Հանրապետութեան Նախագահ Պրն. Տասոս Փափատոբուլոսին, փոքրամասնութիւններու պարտադիր զինուորական ծառայութեան հարցին առնչութեամբ: Նամակը դրական տրամադրութիւններ պարունակելով հանդերձ, կը մատնանշէր այն մտահոգութիւնները որոնք կը յուզէն Հայ Համայնքը եւ կը խնդրուէր Պրն. Նախագահէն լուծում տալ անոնց, նախքան ընդամաջելու այս որոշումին:

Հինգշաբթի, 8 Փետրուար 2007-ին, Պետական Ներկայացուցիչը նամակով մը տեղեակ պահեց Արտաքին գործոց Նախարարութեան Ընդհանուր Տնօրէն Պրն. Ալեքսանտրոս Չիւնը, Մայիս 6-ին նախատեսուած դէպի Մակարայ Վանք ուխտագնացութեան մասին, խնդրելով որ հարկ եղած քայլերը առնուին ուխտագնացութեան խաղաղ երթը ապահովելու համար:

Հինգշաբթի, 15 Մարտ 2007-ին, նամակ մը յղուեցաւ Ներքին գործոց Նախարարութեան Ընդհանուր Տնօրէն Տոքթ. Լազարոս Սավիտիսին, ուր մասնաւորաբար կ'արծարծուէր փոքրամասնութիւններու գերեզմանատուներու հոգատարութեան հարցը:

Ուրբաթ, 16 Մարտ 2007 թուակիր նամակով մը, Պետական Ներկայացուցիչը առաջարկեց Հայկական Բարեգործական Ընդհանուր Միութեան Կեդրոնական Վարչութեան նախագահ Պրն. Պերճ Սեդրակեանին Մելգոնեան Կրթական Հաստատութեան արժէքաւոր գրադարանը ժամանակաւորապէս տեղափոխել եւ ի պահ դնել Կիպրոսի Պետական Համալսարանի յատուկ բաժանմունքի մը մէջ, զանոնք փճացումէ եւ կորուստէ փրկելու մտահոգութեամբ եւ տեղեկացուց թէ արդէն նախնական աշխատանք տարած ու բերանացի համաձայնութիւն ապահոված է: Պրն. Մահտեսեան նամակի մէջ նշեց նաեւ թէ գիրքերը պիտի ցանկագրուին ու դրուին համացանցի

(Internet) վրայ, մինչեւ որ Զ.Բ.Ը.Մ.ը որոշէ անոնց ճակատագիրը:

Երեքշաբթի, 20 Մարտ 2007-ին, Պրն. Մահտեսեան նամակ մը յղեց Հայկական Բարեգործական Ընդհանուր Միութեան Կիպրոսի «Արարատ» Ֆութսալի խումբի նախագահ Տոքթ. Վահագն Ադամեանին, շնորհաւորելով խումբի ախոյեանութիւնը եւ իր երախտագիտութիւնը յայտնեց խումբի մարզիչներուն ու մարզիկներուն, որոնք անգամ մը եւս բարձր պահեցին Կիպրահայ Համայնքի դերակատարութիւնը մարզական աշխարհէն ներս:

### **Պետական-պաշտօնական մակարդակի հանդիպումներ ու ժողովներ**

Չորեքշաբթի, 24 Յունուար 2007-ին, Սոցիալ Դեմոկրատ Հնչակեան Կուսակցութեան պատուիրակութիւն մը հանդիպեցաւ Պրն. Մահտեսեանին հետ: Անոնք Պետական Ներկայացուցիչին հետ քննարկեցին Կիպրահայութիւնը յուզող հարցեր:

Երեքշաբթի, 6 Փետրուար 2007-ին, Պրն. Մահտեսեան տեսակցութիւն մը ունեցաւ Ծրագրումներու Գրասենեակի Ընդհանուր Տնօրէն Պրն. Անտրէաս Սօլէսքիսին հետ: Հանդիպումի ընթացքին շօշափուեցան երկարաշունչ ծրագրումներու հետ առնչուող կարգ մը մանրամասնութիւններ: Այս տեսակցութեան յաջորդեց հանդիպում մը եւս Պրն. Սօլէսքիսին հետ, Հինգշաբթի 8 Մարտ 2007-ին, որու ընթացքին ներկայ էր նաեւ Ծրագրումներու Բաժանմունքի պատասխանատու Պրն. Եորդոս Եորդիուն: Պետական Ներկայացուցիչը անոնց յանձնեց թղթածրարներ, որ կ'ընդգրկէին մի քանի հիմնական ծրագիրներու առաջարկներ:

Երեքշաբթի, 13 Փետրուար 2007-ին, Պետական Ներկայացուցիչը եւ Վարուժան Արքեպիսկոպոս տեսակցութիւն մը ունեցան Կիպրոսի Յոյն Ուղղափառ Եկեղեցւոյ

Պետ Արք. Խրիստոստոմոս Բ.ի հետ:

Նոյն օրը, կեսօրէ ետք Պրն. Մահտեսեան, իր գրասենեակին մէջ, հանդիպեցաւ Պրն. Վարդան Մալեանի եւ Կիպրոսի Զեռատեսիլի Կայանի արտադրիչ Պրն. Դակիս Էլիայի հետ, նիւթ ունենալով հայերէն լեզուով պատմամշակութային, գրական, երաժշտական, կրօնական, ընկերային եւ մարզական յայտագիրներու պատրաստութեան կարելիութիւնը, պետական հեռատեսիլի կայանէն սփռելու նպատակով:

Զինգշաբթի, 15 Փետրուար 2007-ին, Պետական Ներկայացուցիչը հանդիպում մը ունեցաւ Artos Foundation-ի Տնօրէն Պրն. Ախիլէաս Զէնթօնիսի հետ, մշակութային ծրագիրներու ֆինանսաւորումը Եւրոպական հիմնադրամէ ապահովելու կարելիութեան գծով:

Զինգշաբթի, 22 Փետրուար 2007-ին, Պրն. Մահտեսեան հանդիպում մը ունեցաւ Կիպրոսի Զողի Չարգացման Զիմնարկի (K.O.A.F.) Փոխ-Ընդհանուր Տնօրէն Պրն. Խրիստոս Խրիստոտուլոյի հետ, մօտէն հետապնդելու համար Կիպրահայ ընտանիքներու կողմէն ներկայացուած բնակարանային դիմումները:

Մարտ ամսուայ երկրորդ եւ երրորդ շաբթուայ ընթացքին, տեղի ունեցան Կիպրական կարգ մը կուսակցութիւններու տարեկան ընդհանուր ժողովները, որոնց ներկայ գտնուելու համար, յատուկ հրաւիրուեցաւ Պրն. Մահտեսեան: Սերտ կապեր հաստատուելու միտումով, Պետական Ներկայացուցիչը, յաջորդաբար 11, 14 եւ 17 Մարտին ներկայ գտնուեցաւ Եւրոպայիքօ Քոմմա, Տիսի եւ Էտէք կուսակցութիւններու ժողովներուն:

Երկուշաբթի, 5 Մարտ 2007-ին Պրն. Մահտեսեան արդիւնաւետ ճաշ-հանդիպում մը ունեցաւ Կիպրոսի Պետական Զամալսարանի Ընդհանուր Տնօրէն Տոքթ. Սթավրոս Չէնիոսի, Տնօրէնի Օգնականներ Տոքթ. Կոստանդինոս

Խրիստոֆիտիսի եւ Տոքթ. Անտոնիս Բաքասի հետ: Հանդիպման նիւթն էր քաջալերել Կիպրահայ աշակերտները որ անոնք եւս յաճախեն Կիպրոսի Պետական Համալսարան, ինչպէս նաեւ լուծում մը գտնել Մելգոնեան Կրթական Հաստատութեան գրադարանի գիրքերը ժամանակաւորապէս Կիպրոսի Պետական Համալսարան տեղափոխելու եւ զանոնք փճացումէ ու կորուստէ փրկելու կարելիութիւնները:

Ուրբաթ, 16 Մարտ 2007-ին, Պրն. Մահտեսեան տեսակցութիւն մը ունեցաւ Ներքին Գործոց Նախարարութեան ընդհանուր տնօրէն Տոքթ. Լազարոս Սավիտիսին հետ, քաղաքացիութեան եւ կարգ մը այլ հարցերու կապակցութեամբ:

Երկուշաբթի, 19 Մարտ 2007-ին, Պրն. Մահտեսեան հանդիպում մը ունեցաւ Միացեալ Ազգերու Կազմակերպութեան Զաղաքային Հարցերու պատասխանատու Պրն. Զիօթօ Շիոթանիին հետ: Հանդիպման ընթացքին արծարծուեցան Մակարայ Վանք ուխտագնացութեան եւ Ay. Dometios-ի կանաչ գօտիի մէջ գտնուող հայկական գերեզմանատան երկշաբաթեայ դրութեամբ այցելութեան հարցերը:

Այս վերջինին գծով 28 Մարտ 2007 թուակիր նամակով մը Պետական Ներկայացուցիչը տեղեակ պահուեցաւ Միացեալ Ազգերու Կազմակերպութեան Զաղաքային Հարցերու պատասխանատուին կողմէ, թէ ընդունած են շաբաթական դրութեամբ գերեզմանատան այցելութեան առաջարկը: Յաւելեալ մանրամասնութեանց համար կը խնդրուի դիմել Ազգային Առաջնորդարան:

Նոյն օր Պետական Ներկայացուցիչը իր գրասենեակին մէջ հանդիպեցաւ Cyprus Anti-Drugs Council-ի ներկայացուցիչներուն հետ, որոնք իրենց պատրաստակամութիւնը յայտնեցին այս հարցով Կիպրահայ գաղութին ծրագիրներուն ընդառաջել, երբ կարիքը զգացուի:

### **Դեսպանություններ**

Հինգշաբթի, 25 Յունուար 2007-ին, Միացեալ Նահանգներու դեսպանատան քաղաքական հարցերու պատասխանատու Պրն. Կրէկորի Մաքրիս, այցելելով Երեսփոխանական Գրասենեակ, տեսակցութիւն մը ունեցաւ Պետական Ներկայացուցիչին հետ, Կիպրահայութեան անցեալին ու ներկայ իրավիճակին մօտէն ծանօթանալու նպատակով:

Երեքշաբթի, 30 Յունուար 2007-ին, Իսրայէլի Դեսպան Պրն. Ավրահամ Յատտատ հրաւիրեց Պրն. Մահտեսեանը հանդիպում մը ունենալու դեսպանատան մէջ, մօտէն ծանօթանալու համար Կիպրահայ Յամայնքի պատմութեան:

Ուրբաթ, 2 Փետրուար 2007-ին, Ֆրանսայի Դեսպանատան կցորդ Տիկ. Լաուրա Լեշարփենթիէր եւ Մամլոյ պատասխանատու Տիկ. Ռեպեքա Վիոլարիս, իրենց նախածեռնութեամբ, այցելեցին Երեսփոխանական Գրասենեակ եւ հանդիպում մը ունեցան Պրն. Մահտեսեանին հետ, սիւթ ունենալով Փոքրամասնութիւնները Կիպրոսի մէջ:

Հինգշաբթի, 15 Մարտ 2007-ին, Պետական Ներկայացուցիչը Երեսփոխանական Գրասենեակին մէջ հանդիպում մը ունեցաւ Հոլանտայի Դեսպան Պրն. Ժան Էրիք վան տէն Պերկի հետ, որ նոյնպէս փափաք յայտնած էր ծանօթանալ Կիպրահայ Յամայնքի պատմութեան եւ ներկայ իրավիճակին:

### **Ձեռնարկներու ներկայութիւն**

Չորեքշաբթի, 31 Յունուար 2007-ին Պետական Ներկայացուցիչը հրաւեր ստանալով հայազգի արուեստագետներ Պրն. Յայկ Իւթիւճեանէն եւ Տիկ. Սոնա Կարկալոյեանէն, ներկայ գտնուեցաւ Կիպրոսի Կրթական եւ Մշակոյթի Նախարարութեան կողմէ կազմակերպուած շքեղ համերգին:

Կիրակի, 11 Փետրուար 2007-ին, Պրն. Մահտեսեան ներկայ գտնուեցաւ Մարոնիթ Յամայնքի Նիկոսիոյ եկեղեցւոյ մէջ մատուցուած Ս. Մարուն տօնի արարողութեան: Այս առիթով ան կարճ հանդիպում մը ունեցաւ Մարոնիթներու Արքեպիսկոպոս Պուրթոս ժմայելի հետ:

Կիրակի, 18 Փետրուար 2007-ին, Տէր եւ Տիկ. Վարդգէս Մահտեսեան ներկայ գտնուեցան Լիմասոլի Յայ Ակումբի կազմակերպած Բարեկենդանի հաւաքոյթին:

Կիրակի, 11 Մարտ 2007-ին, Տէր եւ Տիկ. Վարդգէս Մահտեսեան ներկայ գտնուեցան Նիկոսիոյ Յայ Երիտասարդաց Ակումբի եւ Զ.Մ.Ը.Մ.ի կազմակերպած անանդական ճաշի պազարին:

Չորեքշաբթի, 14 Մարտ 2007-ին, Տէր եւ Տիկ. Վարդգէս Մահտեսեան ներկայ գտնուեցան Յայ Օգնութեան Միութեան «Սօսէ» մասնաճիւղի կազմակերպած Միջինքի ընթրիքին:

Շաբաթ, 24 Մարտ 2007-ին Տէր եւ Տիկ. Վարդգէս Մահտեսեան ներկայ գտնուեցան, Յամազգայինի Կիպրոսի «Օշական» մասնաճիւղի կազմակերպութեամբ, Լիբանանէն հրաւիրուած «Կարկաչ» պատանեկան երգչախումբի համերգին եւ յաջորդ օրը՝ Լառնազայի Յայ Ակումբի կազմակերպած կեսօրուան ճաշին:

### **Կիպրոսի Կրօնական**

#### **Յամայնքներուն նուիրուած ձեռնարկ**

Չորեքշաբթի, 7 Փետրուար 2007-ին Լիմասոլի Laniteio Lyceum B վարժարանին մէջ տեղի ունեցաւ ձեռնարկ մը, նուիրուած Կիպրոսի Կրօնական Յամայնքներուն: Ձեռնարկին ներկայ էին Լիմասոլի Մետրոպոլիտ Աթանասիոս Եպիսկոպոս, Վարուժան Արքեպիսկոպոս, Թուրք կիպրացի Իմամը, Մարոնիթներու եւ Լատիններու հոգեւոր առաջնորդները, Լատին Պետական Ներկայացուցիչը եւ Կրթական ու Մշակոյթի Նախարարութեան ներկայացու-

ցիչը: Ձեռնարկի ընթացքին յունարենով խօսք առին Յոյն, Թուրք, Մարոնիթ եւ Լատին կրօնական առաջնորդները, իսկ Հայ համայնքի անունով՝ Հայ Եկեղեցւոյ ծագումին, պատմութեան, դաւանանքին եւ Կիպրահայ գաղութի պատմութեան մասին խօսեցաւ Տոքթ. Անդրանիկ Աշճեան: Յաջորդեց ցուցահանդէս մը եւ պատշաճ հիւրասիրութիւն: Տեղին է յիշել թէ Տոքթ. Աշճեանի ներկայացումը մեծ խանդավառութիւն ստեղծեց ներկաներուն մօտ եւ լայն ընդունելութեան արժանացաւ փոխանցուած բովանդակութեամբ:

### **Փոքրամասնութիւններու կայքէջ (webpage)**

Ներքին Գործոց Նախարարութեան հրաւերով Երեսփոխանական Գրասենեակի Մամլոյ Ներկայացուցիչ Տոքթ. Անդրանիկ Աշճեան, Հինգշաբթի, 1 Մարտ 2007-ին մասնակցեցաւ փոքրամասնութիւններու կայքէջի 2-րդ հանդիպումին: Կիպրոսի կառավարութեան որոշումով պիտի ծրագրուի ու ձեւաւորուի երկրի փոքրամասնութիւններուն համար կեդրոնական կայքէջ մը, ինչպէս նաեւ իւրաքանչիւր համայնք պիտի ունենայ իր առանձին կայքէջը: Համայնքներու Ներկայացուցիչները պատասխանատու են պատրաստելու այդ կայքէջին բովանդակութիւնը:

Հայ Համայնքի կայքէջին պատմական բաժնի պատրաստութիւնը յանձն առին Պրն. Գեորգ Չէյթունցեան եւ Տոքթ. Անդրանիկ Աշճեան:

15 Մարտ 2007-ին, երեք կրօնական փոքրամասնութիւններու Ներկայացուցիչներուն կողմէ, Ներքին Գործոց Նախարարութեան Ընդհանուր Տնօրէն Տոքթ. Լազարոս Սավիտիսին ներկայացուեցաւ պետական կեդրոնական կայքէջի բովանդակութեան մասին առաջարկներու ցանկ մը:



*Փաթրիք Տելեճեանի հետ*

### **Փաթրիք Տելեճեանի պաշտօնական այցելութիւնը Կիպրոս**

Ուրբաթ, 23 Փետրուար 2007-ին, Ֆրանսայի խորհրդարանի երեսփոխան եւ ժողովրդական Շարժումի Միութեան հայազգի ղեկավար Պրն. Փաթրիք Տելեճեան Յանրապետութեան նախագահ Տասոս Փափատորուլոսի ձեռամբ արժանացաւ «Մակարիոս Գ. Արքեպիսկոպոսի» Մեծ Խաչին, իբրեւ նախագահը Ֆրանսայի Խորհրդարանի Ֆրանսա-Կիպրոս խորհրդարանական բարեկամութեան խմբակցութեան: Կիպրոսի կառավարութեան կողմէ Պրն. Վարդգէս Մահտեսեան հրաւիրուած էր ներկայ գտնուելու պարգեւատրումի արարողութեան:

Նոյն օրը կէսօրին Պրն. Տելեճեան եւ տիկինը ճաշի հիւրը եղան Տէր եւ Տիկ. Վարդգէս Մահտեսեաններու: Հրաւիրեալներու շարքին էին Կաթողիկոսական փոխանորդ Արք. Վարուժան Յերկելեանն ու Կիպրահայ համայնքը ներկայացնող պատկառելի անձնաւորութիւններ:



**Ուխտագնացութիւն Սուրբ Մակարայ Վանք**

Երեսփոխանական Գրասենեակի եւ Ազգային Առաջնորդարանի միացեալ կազմակերպութեամբ, Կիրակի, 6 Մայիս 2007-ին տեղի պիտի ունենայ ուխտագնացութիւն դէպի Սուրբ Մակարայ Վանք: Մօտաւորապէս 33 երկար տարիներ ետք, առաջին անգամ ըլլալով, նման քայլ մը կ'առնուի մեծ խումբով այցելելու Կիպրահայութեան երբեմնի Սրբավայրը: Զետեւաբար կը յանձնարարենք որ մեծաթիւ մասնակցութեամբ քաջալերենք այս ձեռնարկը, կառչած մնալու համար մեր ազգային արժէքներուն:

Այս ուխտագնացութիւնը պիտի վայելէ Միջազգային Ազգերու Կազմակերպութեան Կիպրոսի ուժերու հսկողութիւնը: Տեղւոյն վրայ Սրբազան Զօր կողմէ պիտի մատուցուի կարճ աղօթք: Մանրամասնութեանց համար կարդալ ներփակուած յայտարարութիւնը:



*Սուրբ Մակարայ Վանք*



## Ծանօթանանք Կիպրոսի Հանրապետության օրենքներուն

### Կիպրոսի Պետական Համալսարան

Կիպրոսի Սահմանադրութեամբ ընդունուած 3 կրօնական փոքրամասնութիւնները (Հայ, Մարոնիթ, Լատին) Կիպրոսի Պետական Համալսարան կրնան յաճախել տարուայ աշակերտութեան թիւի 3% համեմատութեամբ, որոնք Կիպրացի քաղաքացի են եւ կ'ամբողջացնեն հետեւեալ պայմանները.-

1. Պետական կամ Անձնական Երկրորդական Վարժարանի վկայական:

2. Կիպրոսի Պետական Համալսարանի մուտքի քննութիւն եթէ Կիպրական Երկրորդական Վարժարան յաճախած են կամ G.C.S.E. / G.C.E. եթէ Անձնական Երկրորդական Վարժարան յաճախած են:

3. G.C.S.E. / G.C.E.-ներէն **մեկը** պետք է ըլլալ Յունարէն լեզուի O' Level նուազագոյն նիշ C, իսկ մնացեալ **երեքը** ուսանելիք ճիւղին հետ առնչուող A' Level նուազագոյն նիշեր B,C,C: Սոյն տուեալները կրնան մասամբ մը փոփոխութեան ենթարկուիլ նայած ուսանելիք ճիւղին:

4. Դիմում ներկայացնել 1-30 Ապրիլի միջեւ յաջորդ տարեշրջանին համար:

Կիպրոսի Պետական Համալսարանը **անճկար է բոլոր Կիպրահպատակներուն համար**: Վճարումը միայն գիրքերու համար է եւ չնչին գումար մըն ալ՝ ապահովագրութեան համար:

## Telecare-ի սպասարկութիւն Կիպրոսի մէջ

Մօտաւորապէս երկու ամիս առաջ, Հայ Համայնքի Խորհրդարանական Գործակիցը հեռաձայնային կապ հաստատելով Կիպրահայ յառաջացած տարիքի մաս մը թոշակառուներուն հետ, տեղեկացուց թէ Կիպրոսէն ներս կը գործէ անձնական ընկերութիւն մը, որ գործակցաբար տեղւոյն Ընկերային Ծառայութեան (Welfare office) Գրասենեակին, կը հայթայթէ գործիք մը որ 24 ժամուայ դրութեամբ օգնութիւն կը տրամադրէ այն անձերուն, որոնք առողջապահական հարցեր ունին եւ հոգատարութեան կարիքը կը զգան:

Սոյն գործիքը կը հաստատուի բնակարանին մէջ, հեռաձայնի նման, եւ կամ անհատը իր վրայ կրնայ կրել զայն, եթէ անշարժ վիճակի մէջ կը գտնուի: Գործիքը կոճակի մը սեղմումով, տեղեկութիւն կը փոխանցէ կեդրոն, երբ անհատը նեղ կացութեան մէջ գտնուի եւ շտապ օգնութեան կարիքը ունենայ:

Բոլոր անոնք, որոնք նիւթական օժանդակութիւն կը ստանան Ընկերային Ծառայութեան Գրասենեակէն եւ նիւթական անբաւարար կացութեան մէջ կը գտնուին, սոյն գործիքը կրնան ստանալ անվճար, հարցը քննուելէ ետք: Սակայն, անոնք, որոնք նիւթապէս անկախ են, բայց կարիքը ունին նմանօրինակ սարքի մը զանազան պատճառներով, կրնան կապ հաստատել Երեսփոխանական Գրասենեակին հետ, դիմում կատարելու եւ ստանալու այս գործիքը: Այս պարագային.-

- Գործիքին համար կը վճարուի 30 կ.ո.
- 11 կ.ո. (առաւել VAT), իւրաքանչիւր ամսուայ համար

Յաւելեալ տեղեկութեանց համար կը խնդրուի հեռաձայնել Երեսփոխանական Գրասենեակ 22-454540 թիւին:

**Վարդգես Եւ Մակի Մահտեսեաններ  
Քրիստոսի Յարութեան  
սուրբ տօնին առիթով  
ի սրտէ կը շնորհաւորեն  
Կիպրահայ Զամայնքը,  
մաղթելով առողջութիւն,  
խաղաղութիւն եւ արեւշատութիւն:**

***Քրիստոս յարեալ ի մեռելոց,  
օրհնեալ է Յարութիւնն Քրիստոսի***

**ԿԻՊՐԱՅԱՅ ԶԱՄԱՅՆՔԻ ՊԵՏԱԿԱՆ  
ՆԵՐԿԱՅԱՑՈՒՑԻՉԻ ԳՐԱՍԵՆԵԱԿ**

**Քաղաքական Գրասենեակ**

9B & C Kastorias Street, Ayia Paraskevi, 2002 Strovolos  
Յեռախօս 22- 45 45 40, Յեռատիպ 22- 42 46 42  
Ել. Յացէ office@armenianmp.com  
Ոստայնէջ՝ <http://www.armenianmp.com>

**Խորհրդարանական Գրասենեակ**

Office Δ-2-2, House of Representatives, 1402 Nicosia  
Յեռախօս 22- 40 72 02, Յեռատիպ 22- 40 74 42  
Ել. Յացէ vmahdessian@parliament.cy